

## ATODLEN 2

(a gyflwynir gan adran 24)

### TROSGLWYDDO EIDDO A STAFF I'R COMISIWN

#### *Pŵer i wneud cynlluniau trosglwyddo*

- (1) Caiff Gweinidogion Cymru wneud un neu ragor o gynlluniau sy'n darparu—
  - i staff Cyngor Cyllido Addysg Uwch Cymru neu staff Llywodraeth Cymru ddod yn aelodau o staff y Comisiwn;
  - ar gyfer trosglwyddo eiddo, hawliau ac atebolrwyddau Cyngor Cyllido Addysg Uwch Cymru neu Weinidogion Cymru i'r Comisiwn.
- (2) Mae'r pethau y caniateir eu trosglwyddo o dan gynllun o dan yr Atodlen hon ("cynllun trosglwyddo") yn cynnwys—
  - eiddo, hawliau ac atebolrwyddau na ellid eu trosglwyddo fel arall;
  - eiddo a gaffaelir, a hawliau ac atebolrwyddau sy'n codi, ar ôl i'r cynllun gael ei wneud;
  - atebolrwyddau troseddol.
- (3) Caiff cynllun trosglwyddo wneud darpariaeth ganlyniadol, darpariaeth atodol, darpariaeth gysylltiedig, darpariaeth drosiannol neu ddarpariaeth ddarfodol, er enghraifft er mwyn—
  - creu hawliau, neu osod atebolrwyddau, mewn perthynas ag eiddo neu hawliau a drosglwyddir;
  - gwneud darpariaeth ynghylch effaith barhaus pethau a wneir mewn cysylltiad ag unrhyw beth a drosglwyddir;
  - gwneud darpariaeth ynghylch parhad pethau (gan gynnwys achosion cyfreithiol) sydd yn y broses o gael eu gwneud mewn cysylltiad ag unrhyw beth a drosglwyddir;
  - gwneud darpariaeth ar gyfer rhannu perchnogaeth eiddo neu ddefnydd ohono;
  - gwneud darpariaeth i gyfeiriadau at Gyngor Cyllido Addysg Uwch Cymru, Llywodraeth Cymru neu Weinidogion Cymru mewn offeryn neu ddogfen arall mewn cysylltiad ag unrhyw beth a drosglwyddir gael eu trin fel pe baent yn gyfeiriadau at y Comisiwn;
  - gwneud darpariaeth sydd yr un fath â darpariaeth a wneir gan y rheoliadau TUPE, neu sy'n debyg iddi, mewn achos pan na fo'r rheoliadau hynny yn gymwys mewn perthynas â'r trosglwyddiad.

#### Gwybodaeth Cychwyn

- I1** Atod. 2 para. 1 ddim mewn grym ar y Cydsyniad Brenhinol, gweler [a. 148\(2\)](#)  
**I2** Atod. 2 para. 1 mewn grym ar 4.9.2023 gan [O.S. 2023/919](#), [ergl. 2\(w\)](#)

#### *Addasu cynlluniau trosglwyddo*

- (1) Caiff Gweinidogion Cymru addasu cynllun trosglwyddo.
- (2) Ond os yw trosglwyddiad o dan y cynllun wedi cymryd effaith, ni chaiff unrhyw addasiad sy'n ymwneud â'r trosglwyddiad gael ei wneud ond gyda chytundeb y person (neu'r personau) y mae'r addasiad yn effeithio arno (neu arnynt).

*Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Addysg Drydyddol ac Ymchwil (Cymru) 2022, ATODLEN 2. (See end of Document for details)*

(3) Mae addasiad yn cymryd effaith o'r dyddiad y daeth y cynllun gwreiddiol yn effeithiol neu unrhyw ddyddiad diweddarach a bennir gan Weinidogion Cymru.

#### Gwybodaeth Cychwyn

- I3** Atod. 2 para. 2 ddim mewn grym ar y Cydsyniad Brenhinol, gweler [a. 148\(2\)](#)  
**I4** [Atod. 2 para. 2](#) mewn grym ar 4.9.2023 gan [O.S. 2023/919](#), [ergl. 2\(w\)](#)

#### Dyletswydd i osod cynlluniau trosglwyddo gerbron Senedd Cymru

3 Rhaid i Weinidogion Cymru osod copi o gynllun trosglwyddo a wneir o dan yr Atodlen hon gerbron Senedd Cymru.

#### Gwybodaeth Cychwyn

- I5** Atod. 2 para. 3 ddim mewn grym ar y Cydsyniad Brenhinol, gweler [a. 148\(2\)](#)  
**I6** [Atod. 2 para. 3](#) mewn grym ar 4.9.2023 gan [O.S. 2023/919](#), [ergl. 2\(w\)](#)

#### Dehongli

- 4 (1) At ddibenion yr Atodlen hon—
- (a) mae unigolyn sydd â chyflogaeth yn y gwasanaeth sifil i'w drin fel pe bai wedi ei gyflogi yn rhinwedd contract cyflogaeth, a
- (b) mae telerau cyflogaeth yr unigolyn yn y gwasanaeth sifil i'w hystyried fel pe baent yn ffurfio telerau'r contract cyflogaeth.
- (2) Yn yr Atodlen hon—
- ystyr “gwasanaeth sifil” (“civil service”) yw gwasanaeth sifil y Wladwriaeth;
- ystyr “rheoliadau TUPE” (“TUPE regulations”) yw Rheoliadau Trosglwyddo Ymgymeriadau (Diogelu Cyflogaeth) 2006 ([O.S. 2006/246](#));
- mae cyfeiriadau at hawliau ac atebolrwyddau yn cynnwys hawliau ac atebolrwyddau sy'n ymwneud â contract cyflogaeth;
- mae cyfeiriadau at drosglwyddo eiddo yn cynnwys rhoi les.

#### Gwybodaeth Cychwyn

- I7** Atod. 2 para. 4 ddim mewn grym ar y Cydsyniad Brenhinol, gweler [a. 148\(2\)](#)  
**I8** [Atod. 2 para. 4](#) mewn grym ar 4.9.2023 gan [O.S. 2023/919](#), [ergl. 2\(w\)](#)

**Newidiadau i ddeddfwriaeth:**

Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Addysg Drydyddol ac Ymchwil (Cymru) 2022, ATODLEN 2.